



Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i suradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj: 01,02,03,03/11-05-1-661/17
Sarajevo:27.04.2017. godine

KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

ČLANOVIMA STALNE DELEGACIJE OSCE-a

KOMISIJI ZA VANJSKE POSLOVE PREDSTAVNIČKOG DOMA PSBiH

KOMISIJI ZA VANJSKU I TRGOVINSKU POLITIKU, CARINE, PROMET I VEZE DOMA NARODA PSBiH

SEKTORU ZA ODNOS E S JAVNOŠĆU PSBiH

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Dokument 27.04.2017			
Organizacija red. broja	Klasifikaciona oznaka	Uplatni broj	Broj priloga

IZVJEŠTAJ – PARLAMENTARNA KONFERENCIJA O BORBI PROTIV
MEĐUNARODNOG TERORIZMA, Sankt-Petersburg, 27.-28. 3. 2017.

U Sankt-Petersburgu je 27. i 28. 3. 2017. održana Parlamentarna konferencija o borbi protiv međunarodnog terorizma, u čijem radu su učestvovali: Aleksandra Pandurević, predsjedavajuća Delegacije PSBiH u PSOSCE-a, Bariša Čolak, prvi zamjenik predsjedavajuće Delegacije, i Dženana Leper, sekretar Delegacije.

Na Parlamentarnoj konferenciji o borbi protiv međunarodnog terorizma, koja je održana u Sankt-Petersburgu, u zajedničkoj organizaciji Parlamentarne skupštine OSCE-a i Interparlamentarne skupštine Zajednice nezavisnih zemalja, potvrđena je istaknuta uloga međunarodne parlamentarne diplomatije, koja može doprinijeti borbi protiv terorizma.

Konferencija je otvorena obraćanjem predsjednice Vijeća IPA CIS-a i predsjednice Federalnog vijeća Federalne skupštine Ruske Federacije Valentine Matvienko i predsjednice PSOSCE-a Christine Muttonen, a u nastavku je raspravljano o međunarodnoj saradnji u oblasti sigurnosti i borbe protiv terorizma.

Na Konferenciji je izneseno niz zaključaka u kojima su navedeni osnovni principi za odgovore na terorističke prijetnje, uključujući uspostavu djelotvornije interakcije između

nacionalnih obavještajnih agencija u suprotstavljanju širenju nasilnog ekstremizma, kao što su neriješeni sukobi i marginalizacije društvenih grupa te jačanje domaćih zakonskih okvira.

"Nacionalno zakonodavstvo mora kriminalizirati sve pomoći teroristima. Sve aktivnosti koje uključuju ekonomske odnose s terorističkim organizacijama treba da budu identificirane i ozbiljno procesuirane", navodi se u službenom dokumentu predstavljenom na Konferenciji. Kao prioriteti istaknuti su i sprečavanje radikalizacije, kao i dotok finansija i materijala terorističkim organizacijama te njihov pristup oružju za masovno uništenje.

U svom uvodnom izlaganju na Konferenciji predsjednica PSOSCE-a Christine Muttonen (MP, Austrija) naglasila je potrebu za proaktivnim odgovorom na terorizam u kojem se prepoznaju različiti problemi koji podstiču radikalizaciju i nasilni ekstremizam. Muttonen je posebno istaknula siromaštvo, povrede ljudskih prava, diskriminaciju i klimatske promjene kao faktore koji doprinose nestabilnosti u svijetu u kojem terorizam može napredovati.

"Za djelotvornu strategiju borbe protiv terorizma hitno je potreban višestruki i koordinirani odgovor. To znači da treba preduzeti sve mjere za ublažavanje terorističkih prijetnji", rekla je. "Dobro upravljanje i demokratija, vladavina prava i uzajamno poštovanje u dobroj vjeri između kultura, naroda i vjera, te na kraju, ali ne i najmanje važno, politički dijalog jesu osnove za borbu protiv terorizma."

U svom obraćanju na Konferenciji Matvienko je napomenula da interakcija Zajednice nezavisnih zemalja ima važnu ulogu u borbi protiv terorizma. "Uspjeli smo uspostaviti efikasnu saradnju u ovoj oblasti u nekoliko posljednjih godina. Značajan napredak ostvario je antiteroristički Centar država članica ZNZ-a", rekla je.

Matvienko je napomenula da to pokazuje mogućnosti zemalja da konkretno djeluju u borbi protiv terorizma.

Na Konferenciji u Sankt-Petersburgu učestvovao je posebni predstavnik PSOSCE-a za borbu protiv terorizma, član Državne dume Nikolaj Kovaljev, koji je predsjedavao drugom sesijom o humanitarnim aspektima borbe protiv terorizma.

Na Konferenciji su obraćanja imali i ostali članovi Parlamentarne skupštine OSCE-a: potpredsjednik Victor Paul Dobre (MP, Rumunija), potpredsjednik Azay Guliyev (MP, Azerbejdžan), potpredsjednica Odbora za ljudska prava Ivana Dobesova (MP, Češka Republika), Peka Havisto (MP, Finska), Marie-Francoise Bechtel (MP, Francuska), Gelil Gocer (MP, Turska), Aase Michaelsen (MP, Norveška) i Maximilian Reimann (MP, Švicarska).


Predsjedavajući Doma naroda PSBiH i član Delegacije PSBiH u PSOSCE-a Bariša Čolak, govoreći o ovoj temi, istaknuo je da terorizam predstavlja opasnost po čitav društveni poredak koji se temelji na demokratskim vrijednostima i principu poštivanja ljudskih prava i osnovnih sloboda. Čolak je naveo da zastrašujući prizori brojnih napada širom Evrope i svijeta ostavljaju neizbrisiv trag u našoj svijesti, što zahtijeva maksimalnu koordinaciju i međusobnu saradnju svih zemalja o pitanju trenutno najvećeg izazova za međunarodnu stabilnost. Naglasio je da svaka država ima svoju strategiju za borbu i sprečavanje terorizma, ali da se ta borba mora prilagoditi i minimumu zajedničkih interesa i racionalnim predviđanjima o tome kako će se terorizam ubuduće razvijati.

Izvještaj odobrila Aleksandra Pandurević, predsjedavajuća Stalne delegacije PSBiH u PSOSCE-u

Na odvojenim sesijama učesnici Konferencije razgovarali su i o humanitarnim aspektima protuterorističkih aktivnosti, te o ekonomskim i društvenim osnovama za međunarodni sigurnosni okvir na polju borbe protiv terorizma.

Izveštaj pripremila

sekretar Delegacije PSBiH u PSOSCE-u



Dostaviti:

- naslovu
- Sektoru za međunarodne odnose i protokol

Govor člana Delegacije PSBiH u Parlamentarnoj skupštini Organizacije za evropsku sigurnost i svradnju (PSOESS) i predsjedavajućeg Doma naroda PSBiH Bariše Čolaka na Parlamentarnoj konferenciji o borbi protiv međunarodnog terorizma o temi: „Međunarodna saradnja u oblasti sigurnosti i borbe protiv terorizma“ . Sankt-Petersburg, 28. marta 2017.

Poštovana predsjednice Federalne skupštine Ruske Federacije i Vijeća Interparlamentarne unije gđo Matvienko,

Poštovana predsjednice Parlamentarne skupštine OSCE-a gđo Muttonen,

Koligice i kolege parlamentarci,

Predstavnici medija,

Cijenjeni gosti,

Dame i gospodo,

Na samom početku želim zahvaliti našim domaćinima za srdačnu dobrodošlicu i čestitati im na uspješnoj organizaciji *Parlamentarne konferencije o borbi protiv međunarodnog terorizma*.

Ova konferencija svakako je izvrsna prilika za iznošenje i razmjenu stavova, te konstruktivnu raspravu i definiranje zaključaka, koji će zasigurno svim učesnicima biti od velikog značaja.

Izveštaj odobrila Aleksandra Pandurević, predsjedavajuća Stalne delegacije PSBiH u PSOSCE-u

Kao parlamentarci, imamo mogućnost iznijeti naše viđenje vrijednosti cjelokupne saradnje u borbi protiv međunarodnog terorizma, definirati načine na koje ona može doprinijeti većem stepenu međunarodne sigurnosti, te uspostaviti zajednički pravni okvir koji bi omogućio tješnju saradnju i adekvatniji odgovor na globalne sigurnosne izazove.

Terorizam predstavlja opasnost po čitav društveni poredak kakav poznajemo, a koji se zasniva na demokratskim vrijednostima i principu poštivanja ljudskih prava i osnovnih sloboda.

Zastrašujući prizori brojnih napada širom Evrope i svijeta ostavljaju neizbrisiv trag u našoj svijesti, što zahtijeva maksimalnu koordinaciju i međusobnu saradnju svih zemalja po pitanju tog, trenutno najvećeg izazova za međunarodnu stabilnost.

Svaka država ima svoju strategiju za borbu i sprečavanje terorizma, ali se ta borba mora prilagoditi kako minimumu zajedničkih interesa tako i racionalnim predviđanjima o tome kako će se terorizam ubuduće razvijati.

Prevenција terorističkih napada pojačanim djelovanjem obavještajnih službi i aktivne globalne razmjene obavještajnih podataka, kao i putem tzv. *finansijskog rata* s teroristima sprečavanjem pranja novca i presijecanjem kanala kojima pojedinci, države ili organizacije finansiraju teroriste, treba da budu naši prioriteti.

Jako je bitan konsenzus svih saveznika o tome ko bi i kako trebao koordinirati borbu protiv terorizma.

Uz terorizam, radikalizam, nasilni ekstremizam, siromaštvo, organizirani kriminal, vjerske netrpeljivosti, rastuće nasilje, kao i intenziviranje prisilnih migracija, jesu neka od glavnih globalnih pitanja koja se interpoliraju na gotovo sve zemlje, a na koja tek trebamo adekvatno odgovoriti.

Kroz regiju jugoistočne Evrope, kojoj pripada zemlja iz koje dolazim, prolaze rute nezakonite trgovine oružjem, narkoticima i ljudima. Stoga je nužno naglasiti važnost dobre saradnje s ciljem suzbijanja međunarodnih kriminalnih aktivnosti, kao i ranog detektiranja eventualnih terorističkih aktivnosti, uključujući i one koje imaju za cilj bilo kakvu promoviranje terorizma od pojedinaca ili organiziranih grupa.

Bosna i Hercegovina je aktivna u mnogim regionalnim, evropskim i međunarodnim tijelima za borbu protiv organiziranog kriminala, terorizma i nasilnog ekstremizma.

Uz podršku Evropske unije, pokrenli smo regionalnu inicijativu za borbu protiv terorizma i krijumčarenja oružja iz zemalja jugoistočne Evrope s ciljem uspostavljanja regionalne baze podataka o osobama koje predstavljaju sigurnosnu prijetnju, stvaranja regionalne mreže tužilaca i istražnih timova, kao i mreže za otkrivanje i presijecanje kanala za krijumčarenje oružja.

Izveštaj odobrila Aleksandra Pandurević, predsjedavajuća Stalne delegacije PSBiH u PSOSCE-u

Specifičan problem protoka stranih boraca prisutan je, nažalost, i u Bosni i Hercegovini. Kao rezultat poboljšanja zakonskog okvira i pravosudnog odgovora na ovaj fenomen, znatno je smanjen broj odlazaka naših državljana u ratne zone, te je na taj način smanjena i njihova uloga u Siriji i okolnim područjima. Dopunama Krivičnog zakona, koje su u primjeni još od 2014. godine, kao kažnjivo definirali smo svako protuzakonito formiranje i pridruživanje stranim paravojnim i parapolicijskim formacijama. U tom smislu izrečeno je i nekoliko presuda.

BiH ulaže napore kako bi uspješno odgovorila ovom problemu i u potpunosti saraduje sa sigurnosnim službama drugih zainteresiranih država.

Usvojili smo Strategiju za borbu protiv terorizma i nasilnog ekstremizma, s težištem na prevenciji i razvoju istraga i istražnih kapaciteta, te odgovoru na terorističke napade. Državna pravosudna i policijska tijela primjenjuju ovu strategiju u koju su, osim mjera represije, uključene i preventivne mjere za deradikalizaciju pojedinaca koje provode predstavnici obrazovnih institucija, vjerskih zajednica, organizacija civilnog društva i mediji.

Opredijeljenost Bosne i Hercegovine za nastavak evropskog puta, uprkos brojnim problemima s kojima se trenutno susrećemo, podrazumijeva određene obaveze koje je potrebno ispuniti s ciljem uspješnog okončanja tog puta.

Neriješena pitanja su brojna, ali evropska perspektiva, kao i intenziviranje saradnje s drugim važnim međunarodnim akterima, predstavljaju ključni faktor stabilnosti bez koje nema razvoja.

Uvjeren sam, stoga, da ćemo pojačanom saradnjom svih nas na pravi način odgovoriti na sve sigurnosne izazove koji su pred nama.

Hvala na pažnji.